

Cov Nqe Lus Nug thiab Nqe Lus Teb Hais Txog Kev Noj Qab Haus Huv rau

Cov Tshuaj Merit® Tua Kab

Npaj los ntawm Office of Environmental Health Hazard Assessment, CalEPA



Q: Merit® yog dab tsi?

A: Merit® yog hom tshuaj tua kab uas muaj imidacloprid sib tov nrog ua ke. Merit® raug siv los ntawm California Department of Food and Agriculture (CDFA) txhawm rau kev tswj cov kab noj qoob loo. Merit® raug siv rau hauv qab av ntawm ib tsob qoob loo (ua kom av ntub los sis tsuag cov kua rau) los sis tsuag rau cov nplooj (siv rau cov nplooj). Cov av ntub, yuav ua rau cov cag nqus tau cov tshuaj imidacloprid thiab raug xa mus thoo plaws tsob ntoo. Kev siv rau cov nplooj, cov tshuaj imidacloprid yuav nkag mus ntawm cov nplooj rau hauv tsob ntoo. Cov kab raug cov imidacloprid thaum lawv noj cov tawv ntoo los yog cov nplooj los sis haus cov kua ntawm tsob ntoo ntawd.

Q: Cov tshuaj imidacloprid ua haujlwm zoo li cas?

A: Thaum tus kab noj los sis nkag los chwv cov tshuaj imidacloprid, yuav ua rau lawv tej keeb hlab ntshav puas. Qhov ua rau cov hlab ntshav puas no yuav ua rau tshee thiab muaj lwm yam teeb meem rau cov hlab ntshav. Qhov no tuaj yeem ua rau tus kab tuag tau. Imidacloprid yuav tsis cuam tshuam loj rau cov keeb hlab ntshav ntawm cov tsiaj muaj mis, nws yuav tsim tau cov tshuaj lom tsawg dua rau tib neeg thiab lwm yam tsiaj muaj mis.

Q: Cov tshuaj imidacloprid yuav cuam tshuam rau kev noj qab haus huv ntawm tib neeg li cas?

A: Qhov kev sim cov tshuaj imidacloprid rau tej tsiaj pom tau tias nws cuam tshuam rau cov keeb hlab ntshav, lub siab, thooj ceeb tswj lub cev kom loj hlob, thiab qhov hnyav ntawm lub cev. Txawm li cas los xij, tej zaum kuj yuav tsis paub zoo tias hom tshuaj imidacloprid no yuav cuam tshuam ntau los tsawg li cas rau thaum siv Merit® mus raws li kev qhia siv. Imidacloprid yuav tsis ua rau muaj kab mob khees xaws, khaus qhov muag, los sis txhaum rau tej tawv nqaij (fab rau tawv nqaij).

Q: Cov cai tswj xyuas hom tshuaj imidacloprid no pom tau tias nws yuav muaj kev cuam tshuam thiab feem tsis zoo li cas rau kev noj qab haus huv?

A: Hom tshuaj imidacloprid yeej raug tshuaj xyuas los ntawm US Environmental Protection Agency tias nws yog ib hom tshuaj “Siv Tua Kab.” Qhov no txhais tau tias nws muaj cov tshuaj imidacloprid xyaws nrog hom tshuaj uas sawd daws phee nyam yuav siv thiab. Cov tshuaj no yeej muaj xyaws nrog cov tshuaj uas raug tso npe los siv rau tej tiaj nyom thiab ua kom tej nroj tsuag zoo thiab siv rau ntau hom khoom qoob loo thiab khoom noj. Imidacloprid kuj raug siv los tswj cov kab laum kiv rwg thiab tiv thaiv tej dev mub nyob ntawm cov miv thiab dev.

Q: Yam uas muab sib xyaws nrog Merit® yog dab tsi?

A: Hauv feem kev kawm txog tej tsiaj, qee yam uas muab tso xyaws nrog Merit® yuav ua rau tawv nqaij los sis qhov muag khaus me ntsis rau thaum siv cov tshuaj no ntau dua qhov tib neeg lub cev tiv taus cov tshuaj Merit®. Thaum siv raws li cov lus qhia siv, muab cov tshuaj Merit® tso xyaws cov dej kom yaj thiab saib xyuas kom muaj kev cuam tshuam tsawg tshaj plaws rau tus neeg tov tshuaj ntawd.

**Cov Nqe Lus Nug thiab Nqe Lus Teb Hais Txog Kev Noj Qab
Haus Huv rau Cov Tshuaj Merit® Tua Kab**

Q: Cov neeg yuav tsum tau ceev faj li cas thaum siv cov tshuaj Merit® rau lawv cov qoob loo hauv vaj?

A: Raws li cov lus qhia kom ceev faj, thaum lub sijhawm siv tshuaj cov neeg yuav tsum nyob hauv tsev, kaw cov qhov rooj qhov rai, thiab tua cov kiv cua lim cua uas los sab nrauv mus rau sab hauv tsev. Kev nqus tau cov pa tshuaj no yeej muaj tsawg heev vim cov tshuaj imidacloprid yaj ua pa tau tsawg heev. Ua raws li cov lus qhia uas muab los ntawm CDFA.

Q: Cov neeg yuav tsum tau ceev faj li cas thaum siv cov tshuaj Merit® rau lawv cov qoob loo hauv vaj?

A: Tsis pub cov neeg mus ua haujlwm hauv lub vaj los sis cov me nyuam yaus mus nyob ua si ze rau ntawm thaj chaw siv cov tshuaj no kiag thaum tom qab siv tshuaj tua kab. Tos kom txog thaum cov av qhuav lawm mam li nkag mus tau rau hauv thaj chaw tua kab. Rau cov neeg uas yuav tsum tau ceev faj tshwj xeeb, tos kom tsawg kawg yog 24 teev tom qab siv tshuaj tag ua ntej yuav nkag mus rau hauv thaj chaw tua kab. Yog yuav tsum tau nkag mus hauv ua ntej cov av qhuav, yuav tsum hnav cov ris tsho thiab hnav looj tes tiv thaiv kom cov tshuaj txhob raug tej tawv nqaij, yog thaum cov tshuaj raug lawv yuav tau ntxuav tej tawv nqaij thiab ntxhua cov ris tsho ntawd. Ua raws li cov lus qhia uas muab los ntawm CDFA.

Q: Kuv puas tuaj yeem noj cov txiv hmab txiv ntoo thiab cov zaub los ntawm cov qoob loo uas tua kab los sis siv cov tshuaj Merit®?

A: Thaum siv cov tshuaj Merit® rau cov nyom thiab tej nroj tsuag me, yeej tsis pom muaj cov tshuaj imidacloprid tshwm sim mus rau cov txiv hmab txiv ntoo thiab cov zaub hauv lub vaj zaub. Raws li cov lus qhia kom ceev faj, tiv thaiv kom koj cov qoob loo txhob raug cov kua tsuag tshuaj thiab muab nws ntxuav dej ua ntej yuav noj.

Thaum siv cov tshuaj rau ib cheeb tsam av ze ntawm cov qoob loo xws li cov txiv kab ntxwv, tej zaum kuj yuav pom muaj cov tshuaj no tshwm sim rau cov txiv los sis cov nplooj ntoo uas nyob sab hauv los sis sab nrauv thiab. Txawm li cas los xij, yeej pom tias tsuas muaj cov tshuaj imidacloprid tsawg heev thiab yuav tsis cuam tshuam dab tsi rau kev noj qab haus huv. Tuaj yeem de cov txiv los yog zaub tau tom qab siv cov tshuaj tau 24 teev lawm thiab yuav tsum muab nws ntxuav ua ntej yuav noj.

Q: Puas muaj lwm yam tshuaj muag tom kiab khw uas muaj cov tshuaj imidacloprid no xyaws nrog?

A: Lwm yam tshuaj tua kab uas muaj cov tshuaj imidacloprid xyaws nrog muaj xws li cov tshuaj tua dev mub thiab cov tshuaj siv tua kab hauv vaj zaub.

Q: Kuv yuav tau ua li cas yog kuv hnov tsis xis nyob tom qab siv cov tshuaj Merit®?

A: Hu rau lub chaw California Poison Control System rau ntawm tus xov tooj (800) 222-1222 los sis sab laj nrog koj tus kws kuaj mob.

**Cov Nqe Lus Nug thiab Nqe Lus Teb Hais Txog Kev Noj Qab
Haus Huv rau Cov Tshuaj Merit® Tua Kab**

Yog xav paub ntau ntxiv, tiv toj rau:
Invasive Species Program
Office of Environmental Health Hazard Assessment
California Environmental Protection Agency

1001 I Street, P.O. Box 4010
Sacramento, CA 95812
Xov Tooj: (916) 327-7319

1515 Clay Street, 16th Floor
Oakland, CA 94612
(510) 622-3170

Email: pesticides@oehha.ca.gov

Peb Hlis 2016